

胸痺心痛短氣病脉證治 第九 論一首 證一首 方十首

胸痺心痛短氣病脉證治 第九 1条 東洋學術出版 294頁 2000年三訂版

師曰、夫脉當取太過不及、1陽微陰弦、即胸痺而痛、所以然者、責其極虛也。今陽虛知在上焦、所以胸痺心痛者、以其陰弦故也。

【金匱要略注釋】 楊向輝注釋 正中書局 107頁 1968年初版 第5刷

【鑑】脈太過則病、不及亦病、故脈當取太過不及而候病也。陽微、寸口脈微也。陽得陰脈、爲陽不及、上焦陽虛也。陰弦、尺中脈弦也。陰得陰脈、爲陰太過、下焦陰實也。凡陰實之邪、皆得以乘上陽虛之胸、所以病胸痺心痛。胸痺之病、輕者、即今之胸滿。重者、即今之胸痛也。

胸痺心痛短氣病脉證治 第九 2条 東洋學術出版 295頁 2000年三訂版

平人、無寒熱、短氣不足以息者、實也。

【鑑】平人、無病之人也。無寒熱、無表邪也。平人無故、而有短氣不足以息之證、不可責其虛也。此必邪在胸中、痺而不通、阻礙呼吸、當責其實也。李彥曰··「上節云責其極虛；此又云實。何也？」經云··「邪之所湊、其氣必虛；留而不去、其病爲實。」是也。

胸痺心痛短氣病脉證治 第九 3条 東洋學術出版 295頁 2000年三訂版

胸痺之病、喘息欬唾、胸背痛、短氣、寸口脉沈而遲、關上小緊數、括蕤薤白白酒湯主之。

〔括蕤薤白白酒湯方〕

括蕤實一枚搗 薤白半升 白酒七升
右三味、同煮取二升、分温再服。

【金匱要略注釋】 楊向輝注釋 正中書局 108-109頁 1968年初版 第5刷

【程】內經曰··「肺痺者、煩滿喘而嘔。心痺者、脈不通、煩則心下1鼓、暴上氣而喘。」胸中者、心肺之2分、故作喘息欬唾也。諸陽受氣於胸、而轉行於背、氣痺不行、則胸背爲痛、而氣爲短也。寸脈沈遲、關脈小緊、皆寒客上焦之脈。數字誤。

【余無言】本症以胸部內外、發作癱麻質斯性疼痛爲主徵、即西醫之胸統膜炎是也。所謂胸痺、統一胸部而言之。且其痛、有放射性、及牽掣性、故後文有「脅下逆搶心、諸

逆心懸痛、心痛徹背、背痛徹心」之文。所謂心痛、即心窩部疼痛之謂、蓋明其疼痛有中心點也。但不定是心臟本體、蓋果爲真心痛、即西醫之絞心症、爲不治之症。此皆可治、故知非絞心症之心痛也。茲分析言之、所謂胸統膜炎者、是統一胸腔之內膜、多處發炎之謂。甚則連及橫隔膜、縱隔膜、而達心囊。心囊、即中醫之心包絡。凡通連脅下、近於胃部、吸氣時增劇、嚥物時尤甚、或發嘔吐者、是延及橫隔膜而發炎、即所謂「脅下逆搶心」是也。凡胸中膈覺痛、中如側掌、前牽胸而後掣背者、是延及縱隔膜而發炎、即所謂「心痛徹背、背痛徹心」是也。心臟搏動之部、內有疼痛、而兼惡寒發熱、心悸亢進、心動微弱、脈搏增加者、是延及心囊發炎、即所謂「諸逆心懸痛」是也。但中醫古代、生理解剖究欠明瞭、故但能以胸痺心痛¹賅之、不能²道其詳耳。以上所舉諸證、多爲續發性證、³往往於急性傳染病、急性關節癱瘓質斯等、而繼發之。故本證後列諸方治、用表藥者絕少、而用攻痰泄氣者獨多、其明證也。蓋內膜既經熱炎、每因過去用藥之何如、經過之長短、及體質不同、而其發炎部之分泌物、亦有多寡不同也。分泌物之少者、曰乾性炎。分泌物之多者、曰濕性炎。即傷寒論中之小青龍證、十棗湯證、亦濕性脇肋膜炎之一種。不過彼無痺痛之特徵；而此則有之。即十棗湯證、雖有脅下滿痛、亦不如此之甚。彼皆有表證；而此則無之。彼屬飲之泛溢；此屬飲之滯著。彼屬大實；此則兼虛、故治法亦不同耳。然本證之主徵、爲胸痺而痛、是脇肋間之神經亦發炎矣。究其原因、仍爲急性傳染病及癱瘓質斯之表邪入裏所致、豈一朝一夕之故哉！

胸痺心痛短氣病脉證治 第九 4条 東洋學術出版 295頁 2000年三訂版

胸痺、¹不得臥、²心痛徹背者、括蕞薤白半夏湯主之。

〔括蕞薤白半夏湯方〕

括蕞實一枚 薤白三兩 半夏半斤 白酒一斗
右四味、同煮取四升、溫服一升、日三服。

【尤】胸痺不得臥、是肺氣上而不下也。心痛徹背、是心氣塞而不和也。其痺爲尤甚矣。所以然者、有痰飲以爲之¹援也。故於胸痺藥中、加半夏以逐痰飲。

【余無言】本條雖未言喘息欬唾、但以胸痺而至不得臥、則其喘息而胸滿也、不言可知、非痰飲之多、必不致此。且心囊及縱隔膜亦發炎矣。故於前方中加半夏以瀉痰飲、亦半夏瀉心湯之意也。

胸痺心痛短氣病脉證治 第九 5条 東洋學術出版 295-296頁 2000年三訂版

胸痺、¹心中痞、留氣結在胸、胸滿、²脇下逆搶心、枳實薤白桂枝湯主之、人參湯亦主之。

〔枳實薤白桂枝湯方〕

枳實四枚 厚朴四兩 薤白半斤 桂枝一兩 括蕞實一枚搗

右五味、以水五升、先煮枳實、厚朴、取二升、去滓、內諸藥、煮數沸、分溫三服。

[人參湯方]

人參 甘草 乾薑 白朮各三兩

右四味、以水八升、煮取三升、溫服一升、日三服。

【魏】胸痺、自是陽微陰盛矣。心中痞氣、氣結在胸、正胸痺之病狀也。再連脅下之氣、俱逆而搶心、則痰飲水氣、俱乘陰寒之邪、動而上逆、胸胃之陽氣、全難支拒矣。故用枳實薤白桂枝湯、行陽解鬱、溫中降氣、猶必先後煮治、以融和其氣味、¹俾²緩緩蕩除其結聚之邪也。³再或虛寒已甚、無敢⁴恣爲開破者、故人參湯亦主之。以溫補其陽、使正氣旺、而邪氣自消、又治胸痺從本治之一法也。

【余無言】胸痺、而兼心中痞氣、氣結在胸、此又一病型也。傷寒論謂痞氣與結胸之成、由於下之¹太早。本條之證、當亦不能例外。即胸痺而氣痞結胸矣；¹非溫補其陽、則氣不化而結不解。所舉兩方、亦參合桂枝人參湯、半夏瀉心湯、甘草瀉心湯之法者。蓋桂枝人參湯中、有桂枝人參乾薑。半夏瀉心湯及甘草瀉心湯中、有人參甘草乾薑也。